

¡BOMBA!

Maduro al jurado espera,
igualito en la Unacar;
Mérida va a celebrar
el cierre de una calera



K'untzil

Miércoles 7 de enero de 2026

CAMPECHE · YUCATÁN · QUINTANA ROO · AÑO 11 · NÚMERO 2637 · www.lajornadamaya.mx

Yóok'olal k'áak' jach jóop tu k'áaxilo'ob Patagonia, tu lu'umil Argentinae', yanchaj u náachkusa'al máaki'



Oochel X @GreenpeaceArg

Le martes máanika' yanchaj u jóok'sa'al máak tu kaajalo'ob, úuchik u jóopol k'áak' ti' k'áaxo'ob naats' yanik tu baantail Patagonia, tu noj lu'umil Argentina, tu noojolil le noj lu'umo'. Ts'o'oke' tak walkila' ts'o'ok u k'aschajal ya'abach ektaareaob k'áax tu'ux ku beeta'al kooli'.

Ichil ba'ax a'alab tumen u mola'ayil Agencia Federal de Emergencias, láayli' joopol óoxp'éel tu'ux tu baaintail u

kaajilo'ob Chubut yéetel Santa Cruz, ka'alikil uláak' ukp'éele' béeychaj u tu'upul wa u júubul ti' u ts'ook oorailo'ob, tu baanta patagoniail Argentina.

Beyxan u mola'ayil Servicio Meteorológico Nacional (SMN) tu k'a'aytaj le martes máanika' yaan u jach sajbe'entsil u k'áak'tal láayli' te'el kaajo'obo' ti'al le k'iino'ob ku taalo'oba'.

K'as talam u tu'upul k'áak' tumen jach laj tikin ba'al, ts'o'oke' ma' xan táan u k'áaxal cháaki',

yéetel mantats' yaan iik', le beetike' séeb u jóopol k'áak' ma' táan u béeytal u séeb tu'upul.

Tu kaajil Chubute', jóop k'áak' tu chúmuukil k'iin le lunes máanika' tu baantail Puerto Patriada, kúuchil suuk u xiimbalta'al ts'o'oke' eel najo'ob yéetel jejeláas koocheob, beyxan yanchaj u jóok'sa'al ya'abach máako'ob yéetel kajnáalo'ob ti' yano'ob ka'ach te'elo'.

U iintendenteil El Hoyoe', César Salamíne', tu ya'alaj yanchaj

ya'abach kajnáalo'ob jóok'sa'ab yéetel u yáantajil koocheob ti' u ts'ook oorailo'ob, yéetel ma' yanchaj mixmáak úuch loob ti'.

53 bríigadistailo'ob ti' u mola'ayil Servicio Provincial de Manejo del Fuego de Chubut, Gendarmería, Bomberos Voluntarios (ti' u kaajilo'ob Lago Puelo, El Bolsón, El Hoyo, Trevelin) yéetel Policía Provincial táan u meyajó'ob te'elo'. Beyxan k'a'abéetkuns'a'ab kamp'éel péepen k'áak'o'ob láalik ja' ti'al ka béeyak u tu'upul k'áak'.